

四庫全書

子部

欽定四庫全書

易通變卷六

宋 張行成 撰

八位相交用數

八正卦之爻不變八純卦之位不變方圖自天門至地  
戶八純卦居之者位之不變也取八純卦與五十六卦  
亦兩相對而觀之乾七變自得四位用六數以至得六  
十四位用十八數而止兌六變離五變震四變巽三變  
坎二變至艮一變得四位用三十數而止故曰艮止也

此分數也若爻中生數自坤而起則由艮而行故又曰萬物所成終而成始也位則乾二百三兌百三十九離九十震五十四巽二十九坎十三艮四總五百三十二兼坤數合一千六十四則日數一百三十三之八也數則乾震各八十四兌離各九十巽七十二坎五十四艮三十總五百四兼坤數合一千八則用數之用二百五十二之四也細分八位用數別具在後

一八	一七	一六	一五	一四	一三	一二	一一
二八	二七	二六	二五	二四	二三	二二	二一
三八	三七	三六	三五	三四	三三	三二	三一
四八	四七	四六	四五	四四	四三	四二	四一
五八	五七	五六	五五	五四	五三	五二	五一
六八	六七	六六	六五	六四	六三	六二	六一
七八	七七	七六	七五	七四	七三	七二	七一
八八	八七	八六	八五	八四	八三	八二	八一

乾七變總二百三位

卷六

交兌四位

正數六  
物數也

交數六

總十二無中包數包數

交離九位

交正各八

包二十

交震十六位

交正各十  
包六十

交巽二十五位

交正各十二  
包一百二十六

交坎三十六位

交正各十四  
包二百二十四  
按二百永樂大典本作一百今依宋本改正

交艮四十九位

交正各十六  
包三百六十

交坤六十四位

交正各十八  
包五百四十  
包數極於此太積終于五十四此則十析之物數

也

正數八十四交數八十四包數一千三百三十總一千四百九十八

兌六變一百三十九位

交離四位 交正各十 無包數

交震九位 交正各十二 包三十

交巽十六位 交正各十四 包八十四

交坎二十五位 交正各十六 包一百六十八

交艮三十六位

交正各十八

包二百八十八

交坤四十九位

交正各二十

包四百五十

正數九十交數九十包數一千二十總一千二百

離五變九十位

交震四位

交正各十四

無包數

交巽九位

交正各十六

包四十

交坎十六位

交正各十八

包一百八

交艮二十五位

交正各二十

包二百十

交坤三十六位

交正各二十二

包三百五十二

正數九十交數九十包數七百一十總八百九十

震四變五十四位

交巽四位

交正各十八

無包數

交坎九位

交正各二十

包五十

交艮十六位

交正各二十二

包一百三十二

交坤二十五位

交正各二十四

包二百五十二

正數交數各八十四包數四百三十四總六百二



巽三變二十九位

交坎四位

交正各二十二

無包數

交艮九位

交正各二十四

包五十

交坤十六位

交正各二十六

包百五十六

正數七十二交數七十二包數二百十六總三百六十  
坎二變十三位

交艮四位

交正各二十六

無包數

交坤九位

交正各二十八

包七十

正數五十四爻數五十四包數七十總一百七十八

艮一變四位

交坤

交正各三十共六十

無包數

總八卦四千七百八十八數五百三十二位

自坤為一而數

至乾其數亦同

正數五百四交數五百四包數二十一變總

三千七百八十

位數析之則一百三十三而四之各除本四位未用共二十八所餘則二百五十二之兩均於八卦則每卦六

十三也

總數以三分之得五百三十二之九則每位九數也交正數各五百四者二百五十二之二則用數之用而倍之故知乾兌離震四卦各用二百五十二也

三千七百八十則三百七十八而十析之三百七十八者六十三時之策數故知餘分為物數而四卦共有此一物數也

七卦初變共二十八位皆無包數其交正數總二百五

十二兼有包數之中得四之一者一為本三為用也  
六十三時每時六策共三百七十八子雲一首用三百  
二十四策者除五十四而不用則九時之策九之微數  
天未用也餘三百二十四得五十四之六為五十四時  
之策乃養首九贊之數也此八卦包數三千七百八十  
得五百四十之七而最多者一數正得五百四十返之  
於乾五十四為天度極而返生之數從可知矣

陽之正數乾震同數故長子代父兌離同數故兌離互

用


陰之正數坤巽同數故長女代母艮坎同數故艮坎互用

八卦之數以陽為主則乾一而坤八以陰為主則坤一而乾八者既濟圖坎離用半地二之數也是故以數言則乾坤兌艮離坎震巽進退同數而同位以爻言則兌巽震艮反覆同爻而同卦

有一象而異數者乾兌離震用退數坤艮坎巽用進數

是也有異象而同數者乾震坤巽同數離兌坎艮同數  
是也先得進數後退數者初美終惡先得退數後進數  
者返之始終得進數者始末俱美始終得退數者返之  
謂大數也若小數則一時之間亦有進退先生謂算不  
過方圓曲直與乘除先天圓圖圓數也方圖方數也方  
圖之數初行則直交則曲矣天一地三體一用三也乘  
除之法則四者通用

# 四象變十六象圖



坤						否
	艮			小過		
		坎		未濟		
			巽		大過	
	頤		震			
		既濟		離		
			中孚		兌	
泰						乾

日起於一月起於二星起於三辰起於四

先生曰陽中陽乾日也陽中陰兌月也陰中陽離星也

陰中陰震辰也柔中柔坤水也柔中剛艮火也剛中柔

坎土也剛中剛巽石也又曰四象錯綜用之日月乾天

之陰陽水火坤地之陰陽星辰兌天之剛柔土石艮地

之柔剛

水在人身為血土在人身為肉

日乾為心月離為膽星兌為脾辰震為腎石巽為肺土




艮為肝火

坎

為胃水

坤

為膀胱



乾  
陽  
心  
目

生  
心  
肺  
陽  
與  
交

離  
火  
通  
肺  
生  
目

剛 與 陽 交 生 脾 胃

陰 與 柔 交 生 膽 肝

震  
木  
通  
腎  
生  
目

生  
腎  
膀  
胱  
柔  
與  
陰  
交

坤  
水  
陰  
血  
生  
膀  
胱

坎  
水  
通  
腎  
生  
目  
艮  
土  
通  
肝  
生  
目

兌  
星  
剛  
脾  
生  
目  
離  
月  
陰  
肝  
生  
目

乾兌離震天之分巽坎艮坤地之分乾離為天之陽兌震為天之陰坤坎為地之柔艮巽為地之剛此以先天圓圖天地八卦分陰陽剛柔太少之位也然天有陰陽地亦有陰陽地有柔剛天亦有柔剛故錯綜用之則乾兌離震為陽剛陰柔坤艮坎巽為陰柔陽剛也陽與剛交者天之陽交地之剛乾巽交也是生心肺心生目肺生骨故乾為心泰為目巽為骨大過為肺陰與柔交者天之陰交地之柔離艮交也是生肝膽膽生耳肝生肉

故離為膽既濟為耳艮為肉小過為肝剛與陽交者天之剛交地之陽兌坎交也是生脾胃脾生鼻胃生髓故兌為脾中孚為鼻坎為髓未濟為胃柔與陰交者天之柔交地之陰震坤交也是生腎膀胱腎生口膀胱生血故震為腎頤為口坤為血否為膀胱心乾膽離脾兌腎震藏也生目泰耳既濟鼻中孚口頤者首也肺大過肝小過胃未濟膀胱否府也生骨巽肉艮髓坎血坤者身也藏皆屬天言性者必歸之天故生首之四象府皆屬

地言體者必歸之地故生身之四象性則本卦為藏交卦為首體則交卦為府本卦為身本卦純天之天地之地也交卦雜天之地地之天也純天為心膽脾腎純地為血肉髓骨地來和天為耳目鼻口性之體也天來唱地為肺胃肝膀胱體之性也藏以本卦生交卦者天之天生天之地府以交卦生本卦者地之天生地之地也天無體托地以為體所以土中有水石中有火性依體以立故地中有天天之所以神也地無用資天以為用

所以月借日光辰因星紀體隨性以彰故地上有天地  
之所以明也是故心膽居肺肝者性依體以立也胃與  
膀胱接脾腎者體資性以行也心膽居肺肝者乾離託  
巽艮天之陰陽依地之柔剛也胃與膀胱接脾腎者坤  
坎資震兌地之陰陽隨天之柔剛也天之陰陽依地之  
柔剛地在上者地中有天也地之陰陽隨天之柔剛地  
在下者地上有天也心膽肺肝天地反立而在上者造  
物之初也脾腎胃膀胱天地定位而在下者生物之後

也然心膽託肺肝乾離託巽艮則是天之天託乎地之地胃膀胱資脾腎坤坎資震兌則是地之天資乎天之地乃知太極既判無物不係乎有無數不起於二故曰有地而後有二有一而後有變化聖人所以立極用中者非執一以為一乃貫三以為一也

泰為目既濟為耳乾離也中孚為鼻頤為口兌震也目耳體二而用一泰既濟變而乾離不變也鼻口體一而用二

鼻有呼吸二竅口有氣食二喉

中孚頤不變而兌震變也

泰為目坤乾也既濟為耳坎離也中孚為鼻巽兌也頤  
為口艮震也坤乾坎離陰陽交故耳目各二泰乾下坤  
上內陽外陰陽為主而陰見於外故目視之則竅而致  
用則凸也既濟坎上離下內陰外陽陰為主而陽見於  
外故耳視之則凸而致用則竅也巽兌艮震陰陽分故  
鼻口各一中孚兌下巽上四陽二陰陽多故著見而陰  
實為主故鼻視之則凸而致用則竅也頤震下艮上四  
陰二陽陰多故著見而陽實為主故口視之則竅而致



用則凸也舌者口之用也故即口言之若細別駕則頤為口上止下動也小過為舌下止上動也舌向下則止向上則動也觀小過之象豈不類於舌乎

四象數

乾兌離震日月星辰性情形體一二三四八七六五坤艮坎巽水火土石走飛草木一二三四八七六五坎離之用地之二也乾兌離震日月星辰性情形體一二三四巽坎艮坤水火土石飛走草木五六七八乾坤之用

天之一也太陽與太陰合乾日兌月也少陽與少陰合  
離星震辰也太柔與太剛合坤水艮火也少柔與少剛  
合坎土巽石也此以相比而合也乾與巽合日火也兌  
與坎合月水也離與艮合星石也震與坤合辰土也此  
以相對而合也相比而合者一二為三三四為七五六  
為十一七八為十五自三而起以四而進三變至十五  
而止皆奇數也相對而合者一五為六二六為八三七  
為十四八為十二自六而起以二而進三進至十二而

止皆偶數也

乾為太陽為日兌為太陰為月離為少陽為星震為少

陰為辰一二三四天之進數也巽為太剛為火坎為太

柔為水艮為少剛為石坤為少柔為土

天不變地變以從天也艮巽互

用蠱漸也坤坎互用師比也

五六七八天之退數也天地賡續之象

也

此自地從天而言天之一而二也分兩圓之理也

乾為太陽為日兌為太陰為月離為少陽為星震為少

陰為辰一二三四天之分也坤為太柔為水艮為太剛  
為火坎為少柔為土巽為少剛為石一二三四地之分  
也此皆指八正卦而言天地本象也

此自天地匹敵而言地之二而四也既濟圖之理  
也

乾為陽為日為心為目

兼坤

兌為剛為星為脾為鼻

兼巽

離

為陰為月為膽為耳

兼坎

震為柔為辰為腎為口

兼艮

巽與

首之四象也

一三

奇數

為天

之二

四偶

數為地

之天

地

坤為陰

為水

為血

為

首

之

四

象

也

膀胱

兼乾

艮為柔為土為肉為肝

兼震

坎為陽為火為髓為

胃

兼離

巽為剛為石為骨為肺

兼兌

府與身之四象也此皆

兼爻卦互用而言人備天地之象也

一三為奇為地之天二四為偶為地

之地自血肉髓骨言也若自肺肝胃膀胱言則從天之分五七為地之天六八為地之地矣

此自天地配偶相交生物而言支干奇偶之四而

八也聲律圖之理也

在人之象天則兌為星離為月兌離互用地則艮為土坎為火艮坎互用陽中陰陰中陽剛中柔柔中剛可以

不變

按可以不變永樂大典及明費宏本皆作可以互變今依宋本改正

故十六位數元

之會會之元運之世世之運同用也在地則巽為火艮為石巽與艮互用坤為土坎為水坤與坎互用奇與奇偶與偶可以通用故十六位數元之運運之元世之會會之世同用也兌巽相易而互用為中孚大過中孚為鼻大過為肺震艮相易而互用為頤小過頤為口小過為肝乾坤相交而互用為否泰泰為目否為膀胱坎離相交而互用為既未濟既濟為耳未濟為胃也

八象若以上下二體言之則乾為日兌為月巽為星坎為辰離為火震為水艮為石坤為土或以左為天而右為地或以上為天而下為地也

先天圖一卦包八卦故八體縱橫上下左右奇偶互用無所不通此之謂不可為典要若究其所主而為用不同則各有條理此之謂既有典常八卦之中惟乾不與他卦互用故天止有七變也

天之日合地之火

乾巽也

天之月合地之水

兌坎也

天之星合地之石

離艮也

天之辰合地之土

震坤也

此陰陽體用之合同德之合君臣合也

天之日合地之水

乾坤老父母

天之月合地之火

兌艮少男女


天之星合地之土

離坎中男女

天之辰合地之石

震巽長男女

此天地匹配之合異體之合夫婦合也





--	--	--	--	--	--	--	--

欽定四庫全書

子部

易通變卷七

詳校官中書臣葉元符

靈臺郎臣倪廷履謹

謄錄監生臣黃

綸

欽定四庫全書

易通變卷七

宋 張行成 撰

近取諸身數

古者包羲氏之王天下也仰則觀象於天俯則觀法於地近取諸身遠取諸物於是始作八卦以通神明之德以類萬物之情夫一人之身以言乎形之體用則形貌備乎萬物奉養兼乎百工以言乎性之體用則動靜合乎陰陽云為同乎變化身者我所有也豈非道在邇乎

是故學易者於四事之中以近取諸身為本

六爻者乾坤之用四位者坎離之用坎離以互體成六

爻

耳目鼻口前後

泰<sub>三</sub>齊<sub>二</sub>劉牧以人之九竅為泰之象今因其理而推演之舌與頰皆有竅之用而會於口膀胱有竅之用而不通齊有竅之形而不用心有七竅首有七竅內外之應也并下竅為十六上七下九內七外九皆天七地九

也

目耳鼻口

復上七竅一地之復卦陽生於下也

三陰三陽天地之用也上四下二則天之二魚人之二  
以為用地自有其二也地兼齊而為三亦備三才而齊  
居中央不用總之為天四地三故六爻通餘分為七而  
餘分不顯也天能包地所以前陰之用已見於隴後陰  
之用已見於咽齊不為用故著七而爻六者去其餘分

也齊為繫匏之本則軀體之根也所以在地是謂不用而用以之宗也

目耳形二竅二用一鼻形一竅用皆二口形一竅一用四咽通飲食水土也喉通氣金也嚔出津液火水也火為液液化為血則木也一口備五行之用齊形竅皆一而不用前陰形一竅二用二後陰形竅用皆一耳目之用有神鼻之用有氣口一匏三舌之言語用在神喉之喘息用在氣咽以納水穀其英華為津液苴滓為溲便

下出於二陰皆有質之物也天以神為神以氣為質地以氣為神以質為質兼之者人也是故口備五行通三才之用

鼻口前後

姤☵ 天之姤卦陰生於上也

天魚人二則為復地魚人二則為姤陰陽之用也故鼻

主土亦為地用天不用二陰地

按地永樂大典本誤作九今依宗本改正

不

用耳目故三陰不至天三陽不至地也目耳各兩竅而

一用鼻一體二竅右左呼吸出入不同口一竅藏暗竅

三水穀共一竅為咽氣一竅為喉血一竅為嚨

口之龍所出謂

心液按口之龍龍字疑誤

嚨通舌下又為二竅津液所生也顙有

暗竅通鼻之息與涕則五而六矣齊有竅而不通前陰一竅而二精溺不同途也故復始以互體成卦皆有暗數也後陰穀道也水穀在上而入則同一咽在下而出則分二道溺屬水屬腎精屬火屬心下出則二竅同一體上出則一體分二竅舌下二竅是也咽納而不出嚨



出而不納喉則有出有納主口而與鼻通蓋息道也咽  
通胃喉通肺嚨通心醫經謂五藏上關於九竅者別而  
言之則上有七竅天之七也下有二竅地之二也通而  
為九皆明竅也故律數自黃鍾至蕤賓而七者天之七  
也地又用大呂夷則二變至夾鍾而無調者通用九也  
合而言之舌竅應精水咽應水穀道則九竅之用已備  
於上故天雖用七而有九宮者天之地也又通體與用  
而細數之耳目鼻六竅口一竅舌二竅是為上之九竅

口一而分咽喉嚨為三竅嚨在舌竅為二

左金漿水也  
右玉液火也

則首有七竅而備十用故天有十干也通取其實用則  
兩耳同一用於聽兩目同一用於視兩鼻與喉同一用  
於氣咽用於飲食嚨用於津液通為五用故十干共為  
五行也水入則附穀出則附液故五之用亦為六與七  
而天之用盈於七也總之則耳目鼻口共四名兩耳兩  
目一鼻一口形則為六鼻分二竅則為七也上有九竅  
下有三竅與齊而十三則閏數也上十下四

按上十下  
四永樂大

典本作上下十四  
今依宗本改正

則二七之用矣若論明竅上七下三

為十齊不通而用九故數有十而所用者九也

胃大一尺五寸徑五寸五天之中數為五行徑一圍三  
備三才數也長二尺六寸者陰數用二十六蓋閏數十  
三而偶之也留穀二斗者五之四為地也水一斗五升  
者五之三為天也總三斗五升則五七三十五者天之  
七也

小腸大二寸半則五而五之五行各五變也徑八分之少

半則八而餘九而不足長三丈二尺則地數十六而偶  
之得三百二十寸當六十四之五爻則復姤小父母左  
行五變之數也受穀二斗四升則坤數二十四也水六  
升三合合之太半則不足六十四之一而七九之贏也  
回腸大四寸徑一寸半則四象之體而從天之用也長  
二丈一尺則二百一十寸者三七之用而十析之也受  
穀一斗則地十之數也水七升半則七十五合蓋五行  
各五為二十五而通三才之用也

廣腸大八寸徑二寸半則八卦之體而從天之用也長二尺八寸則四七之策七之本體也受穀九升三合八分合之一則九十四而不足九十四而十析之為月行之通數者一章之弦而一部之月數也

圍徑之數與筭法不同緣有折

皺廣狹不等

腸胃通長五丈八尺四寸計五百八十四寸通五十九尺而虧六寸五十九則月行兩月之日也合受水穀八斗七升六合八分合之一通受八十八升虧三合七分

八十八則陰陽劉柔之本數也長者運行之用故合乎月行受者容物之體故合乎四象數各有虧者陰為縮也

肝重四斤四兩共六十八兩一千六百三十二銖四八之策歸奇數一爻十七總一卦得一百二總十六卦得一千六百三十二也若論兩數得四爻之策爾左三葉右四葉凡七葉三應甲木四應乙金金木相為用也七應火故藏血

心重十二兩共二百八十八銖十二者天地之用二百八十八者六位四十八卦之爻數而四位三十二卦之卦數也七孔三毛盛精汁三合七應火數三應木數木生火故心包血而肝藏之三七者天地致用之要故在河圖則三居東七居西在洛書之變則七居人路三居鬼方也精汁三合三元之英也與膽同故人之致用全在心膽皆甲木之用也

脾重二斤三兩共三十五兩八百四十銖三十五者五

七之數八百四十則天地各一變而日析之也日變三十月變十二共四十二為一變偶之則八十四也扁廣三寸長一尺有散膏半斤三者天之用扁廣則從地之形一尺則天之陰數足於十也半斤八也膏為用用止於八故日有十而卦有八也

肺重三斤三兩計五十一兩一千二百二十四銖五十一者十七之三也八之歸奇一卦得一百二策五十一者三爻之奇蓋半數也每三兩得七十二株應七十二



侯者主氣故也若以銖數應卦乃得十二卦之策肝數三而得四爻十六卦之策肺數四而得三爻十二卦之策金木互用故龍含火而居坎虎含水而居離在納音則寅卯居酉申酉居東天日相應則東西為緯卯酉互易也六葉兩耳者六為水之成二為火之生肺以藏氣精神之舍也故兩耳以化氣行榮衛則火之用六葉以包氣則水之用也合而為八應木之用故肝肺為配偶肝之七蕪三四肺以二六成八而甲乙與庚辛相嫁娶

也

腎有二枚重一斤一兩計十七兩四百八銖得八之歸  
奇一爻之策以銖言卦則四卦之策合肺與腎乃得肝  
之數也

心十二兩肝六十八兩肺五十一兩脾三十五兩腎十  
七兩總一百八十三兩則三百六十六之半也三百六  
十六日陰陽各半陽施其氣陰凝其形共成一物故五  
歲之輕重得其半也得四千三百九十二銖則一歲之

足辰也

侵來歲之  
九辰矣

膽重三兩三銖共七十五銖七十五者五行各五而通  
三才之用膽之氣備三才五行故人之致用全在膽氣  
精汁三合與心同用回腸受水七升半亦地之中天之  
用也膽言所稟腸言所容

胃重二斤十四兩共四十六兩一千一百四銖一千一  
百四則用數二百七十六而四之也

小腸重二斤十四兩與胃同數左回十六曲

大腸重二斤十二兩右回十六曲共四十四兩一千五十六銖四十四則四象數一千五十六則實用數二百六十四而四之也十六者地之位數左右者分陰分陽也

膀胱重九兩二銖共二百一十八銖乾之策二百一十六則加地之二坤之數一百八而偶之則各加天之一也廣九寸盛溺九升九合九者陽之極數九十九者三十三而三之不盡百數之一也以一為本體則一百足

數故為下流之極

肛門重一十二兩共二百八十八銖肛門受形輕重乃與心同肛門為臍門肺之用也

膽三兩三銖胃四十六兩小腸四十六兩大腸四十四兩膀胱九兩二銖肛門十二兩共重一百六十兩五銖以大數言之得十斤者天之十干足數也以中數言之得一百六十兩者地之十六位足數也其五銖者天之精膽得其三膀胱得其二三天兩地也故以小數言

之得三千八百四十銖而五銖不在其數也歲得百八十兩者二九也府得百六十兩者二八也天地之分也此人所稟天地自然之數數之常也其長短輕重大小合天數之權衡度量者得天地之正氣者也若所得尺寸斤兩升合皆以同身之數為則者非稟天地之正氣者也

口廣二寸半五五二十五之用也脣至齒九分九之用也齒以後至會厭三寸半五七三十五之用也容五合

者五也吸氣納穀皆天地冲氣也

舌重十兩十之足數共二百四十銖則二十四而十析之也長七寸天七之用也廣二寸半與口同

咽門重十兩與舌同廣二寸半與口舌同至胃長一尺六寸則地數十六也形體之數凡三五七九十二者皆合乎天用四六八十十六者皆合乎地體也

喉嚨重十二兩與心肛門同三才之要也舌咽喉嚨共三十二兩長三尺五寸重三十二者四八之地長三十

五者五七之天也廣二寸陰陽之道也長一尺二寸則十二之用也九節則九之用也計長短者得分寸尺丈而止計多少者得分合升斗而止皆從地之四也計輕重者得銖兩斤而止從天之三也亦交法也天一地二則本數也

斗尺皆以十變當為天權衡以十六而變當為地也

已上皆體中之體用也

在藏則陽有七衡

按衡永樂大典本誤作衡今依宋本改正

陰有八會在病

則男有七疝女有八瘕在脉則陽有七表陰有八裏天



七地八本數也男以八為節二八天癸至八八而竭女以七為竭二七天癸至七七而竭者天地互用也互用者交法也本數體也交法用也

脉有八百一十丈者得八萬一千寸八十一而厯乎百千萬也毛竅有八萬四千者八十四而厯乎百千萬也皆萬物體用之細數也三百六十五纏絡三百六十五穴三百六十五骨皆應三百六十五度

手三陽脉從手至頭長五尺合三丈蓋五者天之中數

得五十寸則天數二十五而合之故大衍之數五十合之得三十尺則一月之日一次之度故日一變三十也手三陰脉從手至胷中長三尺五寸合二丈一尺蓋三十五寸者三十五也為五七之數五行各用天之七天之地也大衍數中除一二三四五之生數而用五六七八九之成數故四方之宿與北斗共三十五星也合二百一十寸則三七而十析之也在體為五七在用為三七用其三天也然十析之矣合手之陰陽得五丈一尺

為十七尺之三則八之歸奇三爻之策也

足三陽之脉從足至頭長八尺合四丈八尺八十寸者  
八體足十之數也四十八尺則八卦六爻之用也故足  
為地之用

足三陰之脉從足至胷長六尺五寸合三丈九尺亦八十  
之中去十五之用以拼天則十六而用十三故地常虛三  
也十三者閏數也合三百九十寸則十三而十折又三天  
之用故律數七十八以五千唱之得三百九十也合足之

陰陽得八丈七尺則不盡八十八之一也大衍天數也當得五十而手脉得五十一四象地數也當得八十八而足脉得八十七地虛一以承天也故八之單卦歸奇得五十一而巽於九卦位數當八十七也總手足之脉一十三丈八尺偶之

有經有榮有絡有衛 按此小註永樂大典本誤作正文今依宗本改正

則二百七十六尺故用數二百七十六也

兩足躋脉從足至目七尺五寸合一丈五尺七十五寸則五五而三之合之為尺則三五爾故大數當天地小

數當人物大數不足小數常盈也

陰蹻脉至目  
下承位穴

督脉任脉各長四尺五寸合九尺四尺五寸者五九亦九五故一節不過四十五日合之而九十則一時也

凡脉長十六丈二尺此所謂十二經長短之數一日一夜陰陽各行二十五度則八百一十丈也十二經之外有奇經八脉曰陽蹻陰蹻督脉任脉者四奇經也外又有衝脉帶脉陽維陰維通而為八此言十二經脉而通四奇經者四經之脉與十二經絡相通而為用故也

天數五地數五數各有合故天數足於十地來偶之斯  
為二十矣潛虛極衍五行之數自水之一一至土之十  
十則二十數也天五地五四者有體一者無體故數有  
十而卦止於八地來偶之斯為十六矣先天通行八卦  
之數自乾之一一至坤之八八則十六數也天四地四  
用之者三不用者一故卦有八而爻有六地來偶之斯  
為十二矣易二卦反對互用六爻太元自子午九至巳  
亥四通成六律則十二數也十二經通奇經八脉者二

十之足數也十六經止通四奇經者十六之數也獨用  
十二經者十二之數也易體卦六十四有三百八十四  
爻用卦六十有三百六十爻此十六脉共一十六丈二  
尺偶之則三百二十四尺於易用爻之中得三十六之  
九而虛三十六之一蓋得太元一首之日策則三十六  
之九亦八十一之四也十六者坎離之用地生物之位  
數也地常晦一從天而用十二若去督任二蹻四脉通  
二丈四尺為存坤之二十四偶之則四十八餘十二經

脉而偶之得二百七十六尺則合乎易之用數為四十  
六卦之爻也馮玠丁德用注難經皆不曉此數而妄生  
疑惑今為正之十二經長短之數者難經二十三難之  
論也二十六難又曰經有十二絡有十五其三絡者陽  
絡陰絡與脾之大絡陽絡者陽蹻之絡陰絡者陰蹻之  
絡也故絡有十五丁注二十三難曰此篇何獨不言陽  
蹻陽蹻亦起於跟中上入風池亦長一丈三尺言之則  
於經丈尺有剩不言則有此闕漏更俟後賢馮注足蹻



二絡引靈樞經云蹻脉者男子數其陽女子數其陰當  
數為經不當數為絡此則二經乃一經一絡也而二十  
六難曰陽蹻之絡陰蹻之絡為十五絡之二絡則二絡  
各有其經互說不同未詳其旨其解二十六難則曰手  
足三陰三陽之經各生一絡則十二絡而云十五絡者  
督任脉之浮絡督為陽脉之海任為陰脉之海故曰陰  
陽絡也若以二蹻之絡則不與靈樞合竊謂丁不知靈  
樞之論馮則所謂知二五而不知十也蓋男女十二經

各互相絡而二蹻者男女各以一為經一為絡故止數其半督脉起於下極之俞並脊裏上至風府入屬於腦而陽蹻起於跟中循外踝上行入風池任脉起於中極之下循腸裏上關元至咽喉而陰蹻亦起於跟中循內踝上行至咽喉交貫衝脉蓋督任脉之浮絡而為陰陽脉之海則二蹻及脊腹以上當督任通而為用故又通為二絡所以越人既曰陰絡陽絡又曰陽蹻之絡陰蹻之絡者明二絡即同即異非同非異也經絡各取其用

則經十二絡十五若併通四奇經而言則絡十五經十六足躡男女各一經則經一十五也經脉一百六十二尺者八十一而偶之絡脉一百五十六尺者去督任二絡九尺加脾之大絡三尺也為七十八而偶之八十一者黃鍾之數七十八者律呂之數所謂地虛三也經十六絡十五所謂地數十六相交共一而用十五故自一至十八實有十五數也通十二經十五絡言之二十四經絡蓋常用者得二百七十六尺則用數也陰陽二

絡亦長十五尺以理推之脾之大絡當長三尺二百九十四尺則天數七七四十九著六用成一卦之數也本數二百七十六者八卦用六位四十八卦去坎離而存乾以主用之數二百九十四則不惟用坎離又併存坤以至無為四十九卦之用蓋天七變之極矣四十二變故三九二十七氣為天之極數人之極用也

脉者用也自分體用則八經為體十二經為用八經之中或用四經則十二經之體也二十七氣用三絡

而去四經則存體而用用也故北斗七星杓三獨轉  
細別言之經有二十得五之四則從乎地絡有十五  
得五之三則從乎天也已上皆用中之體用也體用  
二數出於難經皆與易數合乃知伏羲畫易黃帝岐  
伯論醫本出一原無越三才之理也諸家解釋不曉  
其理故特為詳之楊仲脩於府藏輕重長短間解一  
二餘不通者乃謂畧率大法非五行生成之數稟配  
難以解釋此乃造物之原人生之本三元四象天地

大數豈獨五行之用而已邪

十二經脉應十二辟卦奇經八脉應八正卦若十五絡則應九六之用

易緯卦氣圖不用坎離震兌四卦則文王後天卦也參同契不用乾坤坎離四卦則伏羲先天卦也關子明卦氣不用乾坤未濟三卦則後天易之經卦也

賢者貧賤如細人之食少清氣之和氣也惡人富貴如麋人之食多濁氣勝清氣也要之皆非中和由陰陽氣

偏而然人者天地之五藏也聖人在上調民人以和天地之氣天地之有良醫也聖人不作人民不調而天地之氣不和是無良醫也故陽虎達孔子窮盜跖壽顏淵天不在五帝三王之世陰陽不正天地不能勝其數天自病矣

天一真精者人之本神所託焉性命之根也命精也陽自下生故命門在下性神也陰自上降故性門在上命如國家無不該也性如朝廷無不總也心如君主無不

治也其餘皆官府或清或濁皆不可廢清者任其清無  
君子莫治野人也濁者任其濁無野人莫養君子也岐  
伯曰心者君主之官神明出焉肺者氣也傳相之官治  
節出焉肝者血也將軍之官謀慮出焉膽者肝之神中  
正之官決斷出焉胃中者上焦氣所居臣使之官喜樂  
出焉脾胃者倉廩之官五味出焉大腸者傳道之官變  
化出焉小腸者受盛之官化性出焉腎者作強之官伎  
巧出焉三焦者決瀆之官水道出焉膀胱者州部之官



津液藏焉氣化則出矣此十二官者不得相失也故主  
明則下安不明則十二官危使道閉塞而不通形乃大  
傷

五藏皆有精而腎藏之皆有神而心藏之皆有血而肝  
藏之皆有氣而肺藏之心專藏神故心為知覺之主而  
人多認心為性也

水火者變化之根原心腎為陰陽之本金木者生成之  
終始肝肺為陰陽之用故人之性立本由精神致用在

膽氣

腎之精以三焦之氣而資肺肝之血以膽之神而輔心  
一氣判而為陰陽陰陽列而為五行一氣以陰陽五行  
而造天地天地復以陰陽五行而生人陰陽五行之氣  
其在人也鍾於歲府實者為形虛者為性故陰陽五行  
不正之氣外則病形內則病性形性之病異狀而一理  
孔子曰古者民有三疾性亦是病也稟有多少故病有  
微甚積有久近故疾有淺深甚者不容醫微者容醫丹

朱商均雖堯舜不能醫太甲成王得伊周則可醫淺則易醫深則難醫惟狂克念作聖淺易醫也習慣若自然深難醫也是以三代而上人性多善教化素明故也戰國而下人性多惡教化不明故也孔子曰興於詩立於禮成於樂此三代而上人之所常學也後世安得有此耶非惟不服藥又多餌邪毒而助之矣

陰陽證兆於冬夏而萬物生成在春秋陰陽以用為大故道家煉氣先龍虎而人之運用由血氣孔子言血氣

未定者戒之在色方剛者戒之在鬥既衰者戒之在得  
謂血氣能使人為善亦能使人為惡事在調養之而已  
此孟子荀卿所以皆有養氣之論也

腎藏志脾藏意志意與心三者相為用心雖為主託乎  
志從乎意志定則心定意正則心正矣人欲養心者當  
以脾腎相表裏則飲食男女之際不可不謹也養腎則  
真氣存而和氣生養脾則和氣日滋而濁氣不勝自然  
血氣和平胃中寬淨忿欲不來擾其心譬如朝廷之上

無小人則人君無自而邪慝矣醫家者流謂血氣為人之神而上藥養性蓋藥能調血氣使血氣和平則性正矣故金石之毒久服能變人之性者移人血氣故也寒食散之類是也

脾為中者指五臟而言五行之中也心為中者指一身而言三才之中也五行以土為中則人當以脾為中而以心為中者天中者腦中也人中者心中也地中者脾中也天地以人為致用處在中而虛故也故人致用在

心也腦為天中清之本也故腦為性門脾為地中濁之本也故脾為身本心為人中用之本也故心為神府攝三歸一皆自天一而生故腎為命門腎為天一之水地下之天也腦為天九之金骨為水凝之金髓為金化之水地上之天也一與九始終之道也

赤與黑謂之元元者陽在陰中未分之時黃者土之色中致用而已見之時故天元而地黃天豈獨指陽地豈獨指陰乎

貧富貴賤壽夭命也智愚亦命也善惡非命也得之氣稟惟天之神所命而不可增損者是命可以上下惟吾之神所命者是性

愚人如洩便惡人如邪氣洩便亦是正氣故以時傳道病疾不生但濁爾清氣有多少濁氣亦有多少邪氣者氣之偏僻害正者也

正氣之太過不及者便是偏僻成邪氣

賢而貧賤愚

而富貴仁而夭鄙而壽此陰陽天地之病也有聖人在上如良醫焉天地不能免此者如聖人亦有疾病但非

人偽之所生爾亂世亦不盡逆平世亦不盡順取其多而勝爾

治世不能無小人亂世不能無君子如平人亦有便溺病人亦有息氣但不能按其時節分守則亂矣

藏府闕通每部脉各有四十五動者緣膽同奇常之府藏精汁三合而不出故氣脉不通諸藏府三焦有位無形包絡有形無位皆不得為正藏府餘各五動五九四十五也藏府法五行十干膽甲肝乙小腸丙心丁胃戊



脾已大腸庚肺辛膀胱壬腎癸府為陽法剋于歲為陰  
法柔于除膽以應甲甲當遁遁者潛伏陰遁之名故脉  
隱伏惟本位之動不關通於諸部膽有動脉於左關浮  
而得之不通於別歲之內天有十干有九宮宮布九干  
故甲當遁三奇六儀共九干甲遁在六儀也首自平旦  
寅時艮中之南水下一刻五歲四府氣脉朝會之時諸  
部之中諸脉相通會冬至以後法陽遁順遷之故自膀  
胱至肺夏至以後法陰遁逆行之故自肺至膀胱自府

至歲作進局自歲至府作退局四十五動一小結結者止也各從分五動之中有變常之脉知疾在何歲府也天地之數五十五者十一之五也應五歲六府皆得五數則三焦無形已去之矣大衍之數五十則包絡合於命門同為二腎亦去之矣虛一之外又去實卦之三虛卦之一餘四十五策當一節之氣則又合膽之應遁也

書十相圖

僕學康節先生易幾十年雖未臻奧閫僅入其門已知


天地萬物之象之理無逃乎先天數者頃見十相圖益知果無不合而言者或未之盡畧於首卷三才論中辨一二事焉三天兩地而倚數者倚天地正數而立之易之用數也天得三而統其全故日之變三十地得兩而分乎用故月之變十二合陰陽之變四十有二則六七之數天道一變之節也偶之而八十四有天必有地也又三之而二百五十二則六變之極也故人之形自腎至頂天之分也每變以八寸四分為節極於二尺五寸

二分一年生物之時自草木萌動至地凍亦二百五十  
有二日所以用數三百六十而用七則用數之用二  
百五十有二也三才論曰自腎至心八寸四分自心至  
重樓第一環八寸四分自重樓至頂八寸四分自腎至  
頂二尺五寸按五行五五純陽之數此知五五之變而  
未知六七之節也男子十六而天癸至者五千七百六  
十日也五千七百六十者五百七十六而十之也女子  
十四而天癸至者五千四十日也五千四十者五百四

而十析之也五百七十六者二百八十八而偶之也二百八十八者六八四十八而又六之八之數也體中之用地之用數也天從地故男子應之以二八五百四者二百五十二而偶之也二百五十二者六七四十二而又六之七之數也用中之用天之用數也地從天故女子應之以二七十五者五千四百日也五千四百者五百四十而十析之也在乎十四十六之中故皇極十六位之本數每變用五十四總之而二百七十偶之而五

百四十也三才論曰一千日乳抱四千日盜物取天地之計五千日氣足故男子十六真精滿女子十四真陰散此知五千日之大經而未知陰陽之進退也凡人一呼脉行三寸一吸脉行三寸一呼一吸共為一息脉行六寸者天三地三為六用也一日一夜一萬三千五百息脉行八百一十丈則九九八十一之數也一萬三千五百息得二萬七千呼吸二萬七千者體數之用二百七十衍而至萬之數亦猶天地之變八十四而毛竅有

八萬四千也四九應有三萬六千而呼吸止於二萬七千者用者三不用者一存一以為本也人將死而喘則其一亦用本不存矣三才論曰元氣一日一夜盈滿者三百二十度每度二尺五寸二分計八百一十丈以應九九純陽之數稽其理計其數其說之疎不待辨而明矣若夫釋老與吾儒三學所宗若異若同理實具乎有數之初康節所謂無體之一不用之一用之者三其盡之矣茲又未易以筆舌爭也





欽定四庫全書

子部  
易道變卷八

詳校官中書臣葉元符

靈臺郎倪廷梅覆勘

膳錄貢生臣郭墉

膳錄貢生臣吳壽康

欽定四庫全書

易通變卷八

宋 張行成 撰

先後天易宗旨

伏羲始畫八卦備四易之義有圖象而未有書夏曰連  
山天易也商曰歸藏地易也亦有法數而未有書文王  
曰易人易也始有書矣孔子繫辭實通四易理有所必  
至也文王之易天用地之數也必有地承天之數焉如  
君臣父子夫婦之相須不可闕也孔子授子夏商瞿蓋

嘗及之矣世所傳易緯則其流也緯書至漢而雜亂失之誣俗人遂以伎術目之故子雲取其義以作太元歸之於雅正元氣起於子而日見於寅則連山也康節經世則先天也文正潛虛則歸藏也於是四易皆有書矣然率歸之人事也

先天之數祖於位而起於算後天之數祖於爻而起於著算用二百七十一以衍九十七變之極數四用動植通數列為九位以一二三四五六七八之八位而生二

百五十六卦著用四十九取三百八十四爻而六七八九之四象變四千九十六卦爻自一奇一偶之畫而起錯綜之至於五百七十六畫位自一二三四五六七八之數而起錯綜之至於五百七十六數皆無浮數者天地本數也以算取位以著取爻則皆有浮數者萬物變數也 先天之數天一地一各以一變四天一析而為十地一析而為十二故天數五合之而五十地數五合之而六十者數之全也四者有體一者無體故乾兌離

震四卦當陽剛之四十虛其一十而不用坤艮坎巽四卦當陰柔之四十八虛其十二而不用八象之體共八十八也再變四各四之則乾履同人无妄夬兌革隨大有睽離噬嗑大壯歸妹豐震十六卦當陽剛之百六十坤謙師升剝艮蒙蠱比蹇坎井觀漸渙巽十六卦當陰柔之百九十二共三百五十二也三變天之四卦交地之四卦則天之十六卦徧交地之十六卦其本卦為否遯訟姤萃咸困大過晉旅未濟鼎豫小過解恒十六卦

其變至於二百五十六當動數之全三萬七百二十地  
之四卦交天之四卦則地之十六卦亦徧交天之十六  
卦其本卦為泰臨明夷復大畜損賁頤需節既濟屯小  
畜中孚家人益十六卦其變至於二百五十六當植數  
之全三萬七百二十總六萬一千四百四十通天地之  
地數則十二萬二千八百八十也若止論天地四象本  
卦自交成三十二卦之數則天之四卦以四十唱地之  
四卦得一千九百二十地之四卦以四十八和天之四

卦亦得一千九百二十共三千八百四十則律呂圖唱和俱無之數也於四象體數三百五十二之中四分去一用三而相交則三萬七百二十全數之中動植用數各得一萬七千二十四各均於十六卦則每卦一千六百十四

在律呂圖天十六卦每卦一千六十  
四地十六卦分此數有三類不齊

其十六卦一

卦各變十六卦則每兩卦共一百三十三也夫天地各以一變四天之陰陽日月星辰自交而成十六卦地之剛柔水火土石自交亦成十六卦者四而四之天

一而天之地四也天四卦交地而成十六卦地四卦交  
天亦成十六卦其十六卦迭相唱和各成二百五十六  
者十六而十六之地之天四而地之地十六也四變動  
植用數四相交以為通數以卦言之則二百五十六而  
二百五十六偶之得一十三萬一千七十二者仲呂之  
數純乾之卦也十六卦迭唱和數以動植通數二萬八  
千九百八十一萬六千五百七十六為用者自一而四  
變之極蓋太極五數之終終則為萬物故列為九位而



卦氣圖二百五十六卦自此生焉在律呂圖則有五百  
十二位之卦也 後天去地數六十以為卦數餘天數  
五十以為著數五十之中先虛一而四十九又掛一而  
四十八則以天之五十為本即天之中取地之四十八  
以為用故為天用地之數也每一用三揲三變歸奇成  
一象用策生一爻得明數四十八暗數七十八共一百  
二十六加歸奇虛積一十八則百四十四總四象明暗  
共五百有四加虛積則五百七十六策加二象共七百

五十有六通虛積則八百六十四策得六爻成一卦兩  
卦則三十六變千五百十有二加虛積則千七百二十  
八策也四十八著之用一變八卦四十八爻得明策二  
千三百四暗策三千七百四十四總六千四十八加虛  
積八百六十四則六千九百一十二也再變八而八之  
六十四卦三百八十四爻得明策一萬八千四百三十  
二暗策二萬九千九百五十二總四萬八千三百八十  
四加虛積六千九百一十二則五萬五千二百九十六

也三變又八之五百十二卦三千七十二爻得明策十  
四萬七千四百五十六暗策二十三萬九千六百一十  
六總三十八萬七千七十二加虛積五萬五千二百九  
十六則四十四萬二千二百六十八也其四十八著每  
著得明策二千七十二得暗策四千九百九十二得虛  
積策一千一百五十二總九千二百一十六而掛一之  
數三千七十二不在其中若掛一數每揲亦加虛積二  
策則六千一百四十四亦總九千二百一十六也此先

後天各用五百十二卦之數也先天以八十八而為四象之數用者六十六不用者二十二所謂天地各四體用者三不用者一也後天以四十八而取四象之數用者五六不用者三六所謂用其三天兩地存其三天也先天全用陰陽剛柔之數故八象並見後天獨用陰柔之數故止見四象而暗藏四象也其掛一之著以當陽剛之四十則虛三十九矣一者太極之天也天而地則一析而四地而物則一析而十是故合之則渾而一析

之則散而四十也著策八用掛一八著即當三百二十以合實策三百八十四通為七百有四則先天全數三百五十二而偶之也是故後天有掛一之著而用八卦先天無掛一之著而用十六象也夫先天以四十與四十八並用後天以掛一當四十掛一不動而用四十八者造物與生物之功不同也是故創業之初上下齊心君臣同力守成之後君享其逸臣任其勞君臣之義即天地之理也先天本數八十八以四為一分得二十二

分其取卦數得一二三四五六七八為三十六重之而

七十二則二十二之中去四而用十八也所去之四得

十六則十六位之本數也

陽剛之數四十陰柔之數四十八以一三五七為陽卦重

之而三十二以二四六八為陰卦重之而四十則各虛其八數也

後天本數四十八以

三為一分得十六分其取爻數得六七八九合之而三

十則十六之中去六而用十也所去之六得十八則三

四五六之歸奇為十八變之本數也經世元會運世十

六位數者天地數也元之元一元之會十二元之運三

百六十元之世四千三百二十此一析為四之始天而地之本數也元之世一位析三十二位得十二會萬物之數為卦氣圖二百五十六卦之用則揲著第三變四十五著之明數也去閏數二位用三十位得十二會運行之數為卦氣圖二百四十卦之用則揲著第三變四十五著每著三千七十二數之中去百九十二而用二千八百八十之數也自此十二變至於世之世乃於物之通數會矣其律呂圖五百十二位之數九千二百一

十六則揲著第三變三掛三著數也其卦氣圖一千五百三十六爻通陰數而三千七十二爻則揲著第三變掛一之著數也是故先天天地之數亦祖於著其十六位日月之變數與動植之數乃祖於陰陽剛柔之四象所以觀物內篇獨言此二數也

經世用數之用二百五十二者乾坤坎離四象明暗之策而半之也太元餘分三百七十八策者加二變六象明暗之策而半之也故經世用四位太元用六策餘分



六十三辰四之則二百五十二六之則三百七十八也  
一二三四五五六七八九天九交而為十得數五十二  
三四五六七八九十地九交而為十得數六十故著  
數五十卦數六十也各去其交數天得四十五故河圖  
之數與八卦每節皆四十五也地得五十四故皇極一  
變與要積之終皆五十四也天九之中去一與九者存  
其十也地九之中去二與十者存其十二也二三四五  
五六七八天七交而為八得數四十三四五六七八

九地七交而為八得數四十八故陽剛之數四十陰柔  
之數四十八也各去其交數天得三十五故石音三十  
五也地得四十二故日月一變四十二也太元一六為  
水二七為火三八為木四九為金五五為土者天九之  
交數也揲著四三四四四五六為歸奇四六四七四  
八四九為用策者地七之交數也皇極十六位自一一  
至四一又自一四至四四者天七之交數也小衍二十  
五位自一一至五一又自五一至五五者地九之交數

也著策四十九者天之七七也去掛一之著而用四十  
八則陰柔之數也經世十六位者地之四四也重一四  
之位而用四十則陽剛之數也故天地陰陽相為用也  
陽剛之數四十者天數也陰柔之數四十八者地數也  
天自用其三以其一與地故日之變一月三旬而地有  
十數也地自用其三以其一奉天故老陰之變六六三  
十六而天有十二次也此天地自用其數故天除十地  
除十二也天用地數於地之中存天之一以為本故陰

柔之數四之為一百九十二而用一百五十二則每四十八而去十也地用天數於天之中存地之一以為本故陽剛之數四之為一百六十而用一百十二則每四十而去十二也此天地互用其數故天除十二地除十也自用其數者一而四之本數互用其數者四而四之交數交則物數也蓋天地交而生物父母交而生子也陽剛陰柔之數四分去一用三皆得六十六然在天地者為三十與三十六則十與十二之三在物者為二十

八與三十八則七之四與十九之二也

三十六者老陽之策二十八者

少陽之策三十者七八九六之合三十八者三揲歸奇總多少之數也

經世以元經會會經運運經世者天之運行數也十六位數者地之生物數也律呂圖數者動植之物數也運行數運用三十者用天三分之數會與世用十二者用地奉天一分之數皆天之用也十六位者四四之數地之本體也自乾左右行至震皆用七數加中位百四十與十二萬之二數為用九數於揲著用策之中用其

七九二數其一世之年起甲子者至癸巳而終起甲午者至癸亥而終於揲著用策之中并其六七八九為三十而用之也二用者皆天地數也律呂聲數每位用七合二位而十四則初揲之奇不五則九均而用之也音數每四位用三十八則再揲三揲之奇皆不四則八并初揲而三十八共為六揲之數均之則每兩卦而十九也二用者皆物數也天地數十六位用其七九而不用六八用其陽也經世則并用之物數地和天數用其七

而不用十二亦用其陽也天唱地則并用之蓋天能包其地地專承天故不同也

後天之著去掛一而用四十八為天用地凡四用得一百九十二實策而成四象則四單卦也重之為八象得四重卦則三百八十四策矣四象生八卦故八卦八之為六十四得三百八十四爻四分用三則二百八十八三分用二則二百五十六也先天四象用八十八為天地匹偶四之而三百五十二著數得三十二之十二為

二六者天六地六二用合而成歲也四象數得三十二之十一為五六者天五地六二中交而生物也天地互用地虛一以拼天在位數則地虛十六之二在卦數則地虛八八之半也四分用三則二百六十四三分用二則不可析矣蓋四分用三者老陽之數三分用二者少陰之數物當從天如子當從父故與運行之體數不同也

地之用十二備太極之五則六十故甲子有六十也地



之體十六備太極之五則八十故十六位數有八十也  
五分虛一餘六十四則卦數也四分又存一餘四十八  
則爻數也四十八在體之用則為十六之三在用之體  
則為十二之四也是故著數以十六言之虛一掛一各  
當十六則八十者十六而五之也以十二言之虛一掛  
一各當十二則七十二者十二而六之也在五者得八  
之十在六者得八之九體統其全用虛其一也

著數自三至九用七數

上虛一二下虛十為十  
三加重六亦為十九

實用四

十二加六之重數為四十八自三至六歸奇得十八自  
六至九用策得三十歸奇四之而七十二用策四之而  
百二十并之為百九十二去重數二十四則一百六十  
八故體數八變終於三百三十六也此為四象用不用  
之策在易為四爻之數卦數自一至八用八數下虛九  
十為十  
<sup>九</sup>實用三十六重之則七十二此為八重卦之數又八  
之則五百七十六兩之而千一百五十有二為方圓二  
圖百二十八卦之數也八卦之用其數多寡不同四象

之用其數亦多寡不同故人物之生不齊也

三千七十二者五百一十二卦掛一之著太極之數也  
析一為十故先天動植全數天地各三萬七百二十也  
取三萬七百二十以天十地十析為二十分每分一千  
五百三十六則二百五十六卦之爻也總其數每爻而  
二十故律呂圖每位有百二十甲子也天以一而交地  
交數得十一分則一萬六千八百九十六散於五百一  
十二卦則每卦三十三若止散於二百五十六卦則每

卦六十六散於一百二十八卦則每卦一百三十二散  
於六十四卦則每卦二百六十四故實用之數二百六  
十四也本數得九分則一萬三千八百二十四散於五  
百十二卦則每卦二十七若止散於二百五十六卦則  
每卦五十四散於一百二十八卦則每卦一百八散於  
六十四卦則每卦二百十六故乾之策二百一十六也  
三萬七百二十者四象相唱和之數也以陽剛百六十  
唱陰柔百九十二以陰柔百九十二和陽剛百六十各

得三萬七百二十也四象之數去一用三而相唱和若  
天地自存其本天用百二十而唱地地用百四十四而  
和天者各得一萬七千二百八十并之得三萬四千五  
百六十則三會萬物之數也比前交數當侵於九分本  
數之中各三百八十四總七百六十八則一百二十八  
卦之爻也若天地互存其本陽剛數中存地之四十八  
餘一百十二陰柔數中存天之四十餘一百五十二以  
二數更相唱和者各得一萬

按永樂大典本一萬  
誤作一千今改正

七千

二十四并之得三萬四千四十八則三會萬物數而虧  
五百十二也以其半散於卦氣圖則五百十二卦與二  
百五十六卦皆不可分分於一百二十八卦每卦百三  
十三若止散於六十四卦則每卦二百六十六其所存  
之數則一萬三千六百九十六以散於卦氣圖則五百  
十二卦與二百五十六卦亦不可分分於一百二十八  
卦每卦一百七若止散於六十四卦則每卦二百十四  
也蓋動植用數於三會萬物數虧五百十二者一陰一

陽各存地之本二百五十六位也於九分本數通陰數  
侵二百五十六者一陰一陽各用天之本一百二十八  
也故動植全數一百二十八卦每卦交數得一百三十  
二本數得一百八而動植用數一百二十八卦每卦交  
數得一百三十三本數得一百七者不得天一則不能  
致用是故十六與十六偶而加一焉則為三十三又偶  
之而加一焉則為六十七其六十六偶之而加一焉則  
為一百三十三皆律呂圖動植之用也動植用數侵天

之本一百二十八而二百五十六存地之本二百五十六而五百十二者天一而二地二而四也一百三十三與一百七之數析於一百二十八卦三十三與二十七之數析於五百十二卦者天一而地四也蓋一百二十八卦為陰陽各六十四則屬天五百十二卦為八卦各六十四則屬地也

動植天地各存其本而相唱和之數本數一萬三千四百四十散於一百二十八卦各得一百五用數一萬七



千二百八十散於一百二十八卦各得一百三十五故  
開物數二百四十夏至之前得一百五運則十五之七  
夏至之後得一百三十五運則十五之九也地或得一  
百三十二或得一百三十五或得一百三十三不同何也  
一百三十二者得天之十二以為生物之體也一百三  
十五者又得天之三以為生物之時也一百三十三則  
天三之中物用其一以為本而存其二以為地之本也  
動植全數三萬七百二十於中除用數一萬七千二十

四餘一萬三千六百九十六則一萬三千八百二十四而虧一百二十八通陰數虧二百五十六則用數於本數中各用天數之一百二十八也用數合之得三萬四千四十八比三會萬物之數猶虧五百十二則用數之中各存地之二百五十六也十三萬八千二百四十者地之物數十二會也以十為一得一萬三千八百二十四則天之數也蓋天數一析而十之則地之物也

觀物內篇用四象數有二元會運世日月之變陽剛用

三十陰柔用十二者天也而用於坎離之十六位則地也動植之變化陽剛用二十八陰柔用三十八者天地也而用於律呂之三十二位則物也要之二者皆為地之用總得數一百有八其日月之變隨天六變得用數之用二百五十二為生物之時則天之用也是故乾之策二百一十六坤之策百四十有四乾坤之策三百六十當暮之日坤以三十六之一而奉乾則乾得二百五十二坤得一百八也用數三百六十而體數之用二百

七十者四分之中三用一不用故人之用無冬夏而息  
於夜則一日不用亥子丑三辰物之用無晝夜而息於  
冬則一年不用亥子丑三月皆不用之一也二者不用  
之數

按不用永樂大典本誤  
作本用今依宋本改正

或人用而物不用或物用

而人不用人物皆不用者惟冬之夜之三辰故一年四  
千三百二十辰全不用者二百七十辰則十六分之中  
用者十五而不用者一也是故十二會之生物數十三  
萬八千二百四十者八千六百四十之十六也而十二

會之運行數十二萬九千六百者八千六百四十之十五也運行數凡六析之六十四卦每卦得二千二十五合之則四千五十而十六位之運行數每位八千一百半之亦四千五十者皆合一年之辰而去二百七十之數為十六分而用十五也四象各一得八千一百則八十一而百之者九九之極用也

律呂圖每位二百四十唱和俱無者一十五亦

十六分而去一分也

若三分用二者開物之八月二千八百八十

辰也十分用七者生物之時二百五十二日三千二十

四辰也

